



千金方

十六

卷之四十五

好志

風癩

舌論

小腸腑論

小腸腑九七類

風虛癱瘓

風眩

小腸虛管

武9
175
16



明武
175
卷 16

篤信堂



孫真人備急千金要方卷之四十三

箴三

宋朝奉郎守太常少卿克秘閣校理林億等校正

小腸腑方

小腸腑論第一

論曰小腸腑者主心也舌是候也心合於小腸小腸者受盛之腑也號監倉吏重二斤十四兩長二丈四尺廣二寸四分難經云長三丈二尺大二十寸半徑八分分之少半也後附脊左回疊積其注於回腸者外傳難經云十六曲盛穀一斗四升臍上回運環及十六曲常留水穀二斗四升其一斗二升是水一斗二升是穀應主二十四氣也難經云升水六升三合合之太半甲乙云受三斗三升合合之太半脣厚人中長以候小腸小腸病者小腹痛腰脊



篤信堂

控暈而痛時窘之復耳前熱若寒甚獨肩^上熱及手小指次指之間熱若脉滑者^{脉經作陷亦同}此其候也

小腹控暈引腰脊^上衝心邪在小腸者連暈系屬於脊貫肝肺絡心氣盛則厥逆^上衝腸胃動肝肺散於育結於臍故取之育原以散之刺太陰以與之取厥陰以下之取巨虛下廉以去之按其所過之經以調之

左手關前寸口陽絕者無小腸脉也若臍痺小腹中有疝瘕王月即冷^上搶心刺手心王治陰心王在掌後橫文中入一分左手關前寸口陽實者小腸實也苦心不急熱痺小腸內熱小便赤黃刺手太陽治陽手 太陽在手小指外側本節陷中

小腸有寒其心下重便膿血有熱必痔 小腸有宿食常暮發熱明日復止 小腸脹者小腹膜脹引腹痛 心前受病移於小腸心欬不已則氣與欬俱出 厥氣客於小腸夢聚色街衢心應皮皮厚者脉厚脉厚者小腸厚皮薄者脉薄脉薄者小腸薄皮緩者脉緩脉緩者小腸大而長皮薄而脉冲小者小腸小而短諸陽經脉皆多紆屈者小腸結 扁鵲云手少陰與太陽為表裏所以表清裏濁清實濁虛故食下腸實而胃虛故腑實而不滿實則傷熱熱則口張口為之生瘡虛則傷寒寒則便泄膿血或發裏水其根在小腸先從腹起方見治水篇中 小腸絕不治六日死何以知之髮直如乾麻

不得屈伸白汗不止手太陽之脉是動則嗑痛頰腫不可以
顧肩似拔膈似折是主液所生病者耳聾目黃頰頰腫頸有膈
肘臂外後廉痛經脉支別已見心臍部中

小腸虛實第二方

小腸實熱

左手寸口人迎以前脉陽實者手太陽經也病若身熱來去汗
不出心中煩滿身重口中生瘡名曰小腸實熱也
柴胡澤瀉湯治小腸熱脹口瘡方

- 柴胡 澤瀉 橘皮一用枳椇 黃芩
- 旋復花 枳實 升麻 砒石各三兩

生地黄升切

右九味咬咀以水一斗煮取三升去滓下砒石分二服
大黃圓治小腸熱結滿不通方

- 大黃 芍藥 葶藶各三兩 大戟
- 朴硝各三兩 杏仁五十枚 巴豆七枚
- 右七味為末蜜和丸如梧子大飲服大人七丸小兒五丸
日二熱法日一服

灸法

小腸熱滿灸陰都隨年壯穴俠中腕兩邊相去一寸是也
小腸泄痢膿血灸魂舍二百壯小兒減之穴在俠臍兩邊相去

各一寸去一寸又灸小腸腧七壯

小腸虛寒

左手寸口人迎以前脉陽虛者手太陽經也病苦顛際偏頭痛耳頰痛名曰小腸虛寒也治小腸虛寒痛下赤白腸滑腸中懊膿補之方

乾薑三兩

當歸

黃蘗

地榆各四兩

黃連

阿膠各二兩

石榴皮三枚

右七味以水七升煮取一升五合去滓下膠煮取膠烊盡分三服

舌論第三

論曰凡舌者心主小腸之候也舌重十兩長七寸廣二寸半善用機衡能調五味也凡有所啖若多食鹹則舌脉凝而變色多食苦則舌皮槁而外毛焦枯多食辛則舌筋急而爪枯乾多食酸則舌肉肥而唇揭多食甘則舌根痛而外髮落又曰心欲苦肺欲辛肝欲酸脾欲甘腎欲鹹此五味內合五臟之氣也若臟熱則舌生瘡引唇揭赤若腑寒則舌本縮口噤唇青寒宜補之熱宜瀉之不寒不熱依臟腑調之舌縮口噤唇青升麻煎主之方見別卷

風眩第四叙論方灸禁法

前卷既有頭面風方風眩不當分出思邈蓋以此是徐嗣伯方不可以餘方相雜故此特立風眩方條專出徐氏方焉

徐嗣伯曰余少承家業頗習經方名醫要治備聞之矣自謂風眩多途諸家未能必驗至於此術鄙意偏所究也少來用之百無遺策今年將暮暮恐奄忽不追故顯明證論以貽於後云爾

夫風眩之病起於心氣不定胃上蓄實故有高風面熱之所為也痰熱相感而動風風心相亂則悶瞽故謂之風眩大人曰癩小兒則為癩其實則一此方療治萬無不愈但恐證候不審或致差遠大都忌食十二屬肉而黃豚為患疑多氣急氣急則死不可救故此一湯是輕重之宜勿因此便謂非患所治風眩湯

散九煎凡有十方凡人初發宜急與續命湯也困急時但度灸穴便火針針之無不瘥者初得針竟便灸最良灸法次列于後

余業之以來三十餘年所救活者數十百人無不瘥矣後人能曉此方幸勿參以餘術焉

續命湯治風眩發則煩悶無知口沫出四體角弓目反吐口噤不得言方

- 竹瀝一升 生地黃汁一升 龍齒四兩 生薑
 - 防風五合 麻黃各四兩 防已三兩 附子三分
 - 石膏七兩 桂心二兩
- 右十味咬咀以水一斗煮取三升分三服有氣加附子作一

兩紫蘇子五合橘皮半兩已服續命湯口開四肢尚未好定而心中尚不除者紫石湯王方見後紫石煮散是也
貴豚湯治氣奔急欲絕方

吳茱萸升一

石膏

人參

半夏

芎藭各三分

桂心

芍藥

生薑各四分

生葛根

茯苓各十分

當歸四兩

李根皮一斤

右十二味咬咀以水七升清酒八升煮取三升分三服

防已地黃湯治言語狂錯眼目霍霍或言見鬼精神昏亂方

防已

甘草各二兩

桂心

防風各三兩

生地黄五斤別切勿合藥漬疾小輕用一斤

右五味咬咀以水一升漬一宿絞汁著二面取滓著竹箚上以地黃著藥滓上於五斗米下蒸之以銅器承取汁飯熟以前藥汁合絞取之分再服
薯蕷湯治心中驚悸而四肢緩頭面熱心胃痰滿頭目眩冒如欲搖動方

薯蕷

麥門冬

人參各四兩

生地黄

前胡

芍藥各八分

枳實

遠志

生薑各三分

茯苓

茯苓各六分

半夏五分

甘草

黃芩

竹葉各二分

秫米三合

右十六味咬咀取江水高舉手揚三百九十下量取三斗煮

米減一斗內半夏復減九升去滓下藥者取四升分服無江水處以千里東流水代之投手令上頭也秦中無江水涇渭水可用諸葛灌劍由尚取之

防風湯服前湯後四體尚不涼冷頭目眩轉者服之此湯大勝宜長將服但藥中小小消息隨冷暖耳仍不除瘥者依此方

防風

石膏

人參

赤石脂

生薑

龍骨

寒水石

茯苓各三分

桂心二分

紫石一分

右十一味咬咀以水八升者取三升分三服凡用井花水者取清淨也今用江水無泥又無砂穢源泉遠涉順勢歸海不

逆上流用以治頭必歸於下故也

薯蕷煎方

薯蕷分二十

甘草分十四

澤瀉

人參

黃芩各四分

當歸

白欬

桂心

防風各三分

麥門冬二分

山茱萸

桔梗

芍藥

紫苑

大豆黃卷

乾地黄

白朮

芎藭

乾薑

蜀椒各二分已上

構節

生地黄十八斤搗絞取

麋鹿雜髓

鹿角膠各八兩

大棗八十枚

麻子人研

蜜各三升

桑根皮

五升忌罔上自出土者木毒大忌近離屋垣墻下溝瀆邊者皆不用也

右二十七味以清酒二斗四升煮桑白皮麻子棗得一斗去滓次下地黄汁膠髓蜜煎減半內前諸末併煎令可丸如雞子黃大飲服一枚日三稍加至三丸

薯蕷圓治頭目眩暈心中煩鬱驚悸狂癲方

- | | | | | | |
|----|-----|-----|-----|-----|------|
| 薯蕷 | 二十分 | 甘草 | 二十分 | 鹿角膠 | 大豆黃卷 |
| 桂心 | 七分 | 乾地黄 | | 神麴 | 當歸 |
| 人參 | 十分 | 麥門冬 | | 防風 | 黃芩 |
| 芍藥 | | 白木 | 各六分 | 柴胡 | 桔梗 |
| 茯苓 | | 杏仁 | | 芎藭 | 各五分 |
| 乾薑 | 各三分 | 大棗 | 一百枚 | 白欬 | |
- 取膏

右二十二味為末合白蜜棗膏丸如彈丸先食服二九日三
天雄散治頭目眩暈屋轉旋倒方

- | | | | |
|-----|-----|----|-----|
| 天雄 | 防風 | 芎藭 | 人參 |
| 獨活 | 桂心 | 葛根 | 各三分 |
| 白木 | 遠志 | 薯蕷 | |
| 山茱萸 | 各六分 | 茯苓 | 各四分 |
| | | 茯神 | |

右十三味治下節先食以菊花酒服方寸匕日三漸加至三七以知為度菊花酒法九月九日取鄧州甘菊花曝乾作末以米釀中蒸作酒
人參圓治心中時恍惚不定方

- | | | | |
|------|----|----|----|
| 上黨人參 | 鬼臼 | 鐵精 | 牛黃 |
|------|----|----|----|

丹砂 雄黃 大黃 菖蒲

防風各一兩 蜥蜴 赤足蜈蚣各一枚

右十一味為末蜜丸如梧子大用前菊花酒服七丸日三夜一稍加之合藥勿用青紙忌見婦人青衣喪孝不具足人及濁穢六畜雞犬鼠等

灸法

其法以繩橫度口至兩邊既得口度之寸數便以其繩一頭更度鼻蓋其兩邊兩孔間得鼻度之寸數中屈之取半合於口之全度中屈之先覓頭上迴髮灸之以度度四邊左右前後當繩端而灸前以面為正並依年壯多少二年凡百灸皆須瘡瘡又

灸壯數如前若連灸火氣引上耳數處迴髮者則灸其近當鼻也若迴髮近額者亦宜灸若指面為癩則闕其面處然病重者亦不得計此也食禁

虎兔龍蛇牛馬猪羊雞犬猴鼠

右十二相屬肉物皆不得食及以為藥牛黃龍骨齒用不可

孫真人備急千金要方卷之四十三

孫真人備急千金要方卷之四十四

此處為書中內容，因字跡模糊，難以辨認。

孫真人備急千金要方卷之四十四

腸腑方

風癩第五論針灸法

論曰黃帝問曰人生而病癩疾者安所得之岐伯對曰此得之在腹中時其母數有所大驚也氣上而不下精氣并居故令子發為癩疾病在諸陽脉且寒且熱諸分且寒且熱名曰狂刺之虛脉視分盡熱病已而止病癩初發歲一發不治月一發不治四五日一發名曰癩疾刺諸分其脉尤寒者以針補之病已止癩疾始生先不樂頭重直視舉目赤其作極已而煩心候之於顏取手太陽陽明太陰血變而已癩疾始發而反強因而脊痛

千金方

卷之四十四

天明

候之足太陽陽明太陰手太陽血變而已癩疾始作而引口啼呼喘悸者候之手陽明太陽右强者攻其左左强者攻其右血變而止治癩疾者常與之居察其所當取之處病至視之有過者即瀉之置其血於瓢壺之中至其發時血獨動矣不動灸窮骨二十壯窮骨者尾骶也

骨癩疾者頷齒諸膺分肉皆滿而骨倨強直汗出煩悶嘔多涎沫氣下泄不療筋癩疾者身拳攣急脉大刺項大經之本杼嘔多涎沫氣下泄不療脉癩疾者暴仆四肢之脉皆脹而從滿脉盡刺之出血不滿候項灸太陽又灸帶脉於腰相去三寸諸分肉本膺嘔多涎沫氣

下泄不療

治癩者病發而狂面皮厚敦敦者死不療凡癩發則吐涎沫無知若強掠起如狂及遺糞者難療癩疾脉搏大滑又自巳脉沉小急實死不療小牢急亦不可治脉虛可療實則死矣厥成爲癩疾五臟不平六腑閉塞之所生也厥成爲癩故附厥於此條也陰衰發熱厥陽衰發寒厥論曰黃帝問曰厥之寒熱者何也岐伯對曰陽氣衰於下則爲寒厥陰氣衰於下則爲熱厥問曰熱厥必起於足下者何也對曰陽氣起於足五趾之表集於足下而聚於足心故陽勝則足下熱也問曰寒厥必起於五趾而上於膝者何也對曰陰氣起

於五趾之裏集於膝而聚於膝上故陰氣勝則從五趾至膝上
寒其寒也不從外皆從內也厥或令人腹滿或令人暴不知人
或至半日遠至一日乃知人者何也陰氣盛於上則下虛下虛
則腹滿腹滿則下氣重上而邪氣逆逆則陽氣亂亂則不知人
巨陽之厥腫首頭重足不能行發為胸中陽明之厥癰疾欲走
呼腹滿不得臥面赤而熱妄見而妄言少陽之厥暴聾頰腫而
熱脇痛脾不可以運太陰之厥腹滿臌脹後不利不欲食食則
嘔不得臥少陰之厥舌乾溺赤腹滿心痛厥陰之厥小腹腫痛
脹溼洩不利好卧屈膝陰縮腫胛內一作熱盛則瀉之虛則補
之不足盛不虛以經取之上寒下熱先刺其項太陽則留之也則

火熨項與肩甲合熱下冷乃止所謂推而上之者也上熱下寒
視其虛脈而陷下於經絡者取之氣下而止所謂引而下之者
也刺熱厥者留針反為寒刺寒厥者留針反為熱刺熱厥者二
陰一陽刺寒厥者二陽一陰所謂二陰者二刺陰也所謂二陽
者二刺陽也
論曰溫病熱入腎中亦為瘵小兒病癰熱盛亦為瘵凡風瘵暴
足厥及鬼厲不寤皆相似宜精察之故經言又厥則成癰是以
知似也
論曰癰病有五一日陽癰發時如死人遺溺有頃乃解二日陰
癰坐初生小時臍瘡未愈數洗浴因此得之三曰風癰發時眼

目相引牽縱反急強羊鳴食頃方解由熱作汗出當風因以房
室過度醉飲飽滿行事令心氣逼迫短氣脉悸得之四日濕癩
眉頭痛身重坐熱冰髮濕結腦汗未止得之五日馬癩發時反
百口噤手足相引身皆熱坐小時膏氣腦熱不和得之
治五癩方

銅青 雄黃 空青 東門土雞 水銀各一

茯苓 猪苓 人參 白芷 石長生

白欬 白薇各二 卷栢 烏扇各半 硫黃一兩

右十五味為末以青牛膽和著銅器中於甑中五斗大豆上
蒸之藥成丸如麻子先食服二十九日再夜

虎睛圓治濕癩掣痰口眼張大口出白沫或作聲或死不知人

方千金真名大鎮心丸
主諸癩所不療者

虎睛一具酒浸下 鬼箭羽 露蜂房二分 獨活

遠志 細辛 貫衆 麝香 白欬一作白薇

升麻 白蘚皮各三兩 牛黃 防風 秦朮

防葵 龍齒 黃芩 雄黃 山茱萸

防己 茯苓 鐵精 鬼白 乾地黃一方乾薑

人參 大黃 銀屑各四分 茯神 石膏

天雄各五分 寒水石六分 蛇蛻皮一尺
右三十二味為末蜜和丸如梧子大酒服十五丸日再稍加

至二十五丸神方

凡癩發之候其狀多端口邊白沫動無常者治之方

秦朮

人參

防葵一作防風

茯神一作牡丹

甘草各二兩

鈆丹一兩

貫衆一枚

右七味吹咀以水九升煮取三升半分三服

雄雌圓治風癩失性顛倒欲死五癩驚癩方

雄黃

雌黃

真珠各一兩

鈆二兩熬成屑

丹砂一分

水銀八分

右六味為末以蜜搗三萬杵丸如胡豆先食服二九日二稍

加以知為度

古今錄驗云療五癩牛癩則牛鳴馬癩則馬鳴狗癩則狗鳴羊癩則羊鳴雞癩則雞鳴病五癩

狂病者肺臟相引盈氣起寒厥不識人氣靜言狂吐沫久而得蘇者

續命風引湯治中風癩眩不知人狂言舌腫出方

麻黃

芎藭

石膏

人參

防風各三兩

桂心

甘草

獨活各二兩

防已

附子

當歸各一兩

杏仁三十枚

陳薑五兩一本無陳字

右十三味吹咀以酒三升水一斗合煎取四升分四服日三

夜一

紫石散治大人風引小兒驚癩瘰癧且數十發醫所不療者方

紫石英

滑石

白石脂

凝水石

赤石脂

石膏各六兩

甘草

桂心

牡蠣各五 大黃 龍骨 乾薑各四

右十二味治下篩為粗散盛以韋囊懸於高涼處欲用取三指撮以新汲井水三升煮取一升二合大人頓服未百日兒服一合未能者綿沾著口中熱多者日四五服以意消息方只龍骨乾薑牡蠣滑石白石脂五味

治百二十種風癩癩驚狂發即吐沫不識人者四月五月宜服之方

紫石英 芍藥 龍骨一本用黃芩 青石脂 白鮮皮
麻黃 當歸 甘草 括蕒根 桂心
人參各二兩 牡蠣三兩 大黃五兩

又右十三味治下篩為粗散分作七顆每以大棗十枚水三升煮取二升半去滓下一顆大棗汁中煎取一升去滓頓服相去七日一服服訖即瘥

治癩癩厥時發作方

防葵 代赭 人參 鉛丹 白殭蠶
鈎藤 茯神 雷丸 虎骨 生豬齒
遠志 桂心 防風各六兩 卷栢 葇蓉子
升麻 附子 牡丹 龍齒 光明砂各一分
牛黃二分 白斂四分 蚱蟬十四枚 蛇蛻皮 白馬眼睛各一具
右二十五味治下篩酒服方寸匕日二亦可為丸良驗

芎藭湯治風癩引脇牽痛發作則吐耳如蟬鳴方

芎藭

藁本

藁本各五兩

右三味呔咀內酒一斗者取三升頓服之羸者分再服取大

汗

治風癩方經心錄名少

葶藶子

鈔丹

虎掌

烏頭

栝蒌根各三

甘遂

天雄

蜀椒

大戟各三分
白木一分

鐵精

藺茹各一兩
鴟頭一枚

右十三味為末蜜丸如梧子湯酒下三九日三服

又方

地黃三十斤 天門冬十斤

右二味搗取汁作煎服之瘥

又方葶藶子三升搗篩酒一斗漬半日絞去滓湯中煎令可丸先食服如小豆二丸加至如梧子二丸以知為度額上手中從文理中赤起是知也無此候更服病日發者二日愈間日發者十日愈五日發者二十日愈半歲發者一月愈

治癩瘡瘰癧方

鈔丹一斤 飛鴟頭二枚

又二味為末蜜丸先食服三九日三劑者夜一稍加之

天門冬酒通治五臟六腑大風洞泄虛弱五勞七傷癥結滯氣

冷熱諸風癩癩惡疾耳聾頭風四肢拘攣猥退歷節萬病又服
延年輕身齒落更生髮白更黑方

天門冬與百部相似天門冬味甘兩頭方百部細長而味
苦令人利擣絞取汁二斗清麴二升麴發以糯米二斗準
家醞法造酒春夏極冷下飯秋冬温如人肌酸之酒熟取
清服一盞常令酒氣相接勿至醉吐慎生冷酢滑雞猪魚
蒜特慎鯉魚亦忌油膩此是一斗汁法餘一石二石亦準
此以為太率服藥十日覺身體癢大癢二十日更大癢
三十日乃漸止此皆是風氣出去故也四十日即覺身心
朗然大快似有所得五十日更覺大快當風坐卧覺風不

著人身中諸風悉盡用米法先淨淘米曝炕令乾臨飲用
時更別取天門冬汁漬米乾漉炊之餘汁拌飯甚宜密封
取天門冬汁法淨洗天門冬去心皮乾漉去水擣去壓取
汁三四遍令澤乾如草乃止此酒初熟味酸仍作臭泔腥
氣但依式服之久停則香美餘酒皆不及也封四七日佳
凡八月九月即少少合至十月多合擬到來年五月二十
日以來相續服之春三月亦得合入四月不得合服酒時
若得散服得力更倍速散方如左
散方天門冬去心皮曝乾擣作末以上件酒服方寸七日三加
至三七又服長生凡酒亦得服

灸法

大人癩小兒驚癇灸背第二椎及下窮骨兩處以繩度中折繩
 端一處是脊骨上也凡三處畢復斷繩作三折令各等而密合
 如人字以一角拄中央灸下二角俠脊兩邊便灸之凡五處也
 故畫圖拄以丹拄所灸五處各百壯削竹皮為度勝繩也
 帝癩灸陰莖上宛宛中三壯得小便通即瘥千金翼云當尿孔上是穴又
 灸陰莖頭三壯 又灸足大趾上聚毛中七壯 又灸囊下縫
 二七壯 又灸兩乳頭三壯 又灸督脉三十壯三報穴在直
 鼻中上入髮際中又灸天窓百會各漸灸二百壯炷惟小作
 又灸耳上髮際各五十壯

論曰黃帝問曰有病怒狂者此病安生岐伯對曰生於陽曰陽
 何以使人狂曰陽氣因暴折如難决故善怒病名曰陽厥問曰
 何以知之對曰陽明常動太陽少陽不動而動太疾此其候也
 曰治之柰何曰衰其食即已夫食入於陰長氣於陽故奪之食
 即已使之服以生鐵落為後飯夫生鐵落者下氣疾
 論曰凡發狂則欲走或自高賢稱神聖皆瀆備諸火灸乃得冰
 瘥耳若或悲泣呻吟者此為邪非狂自依邪方治之邪入於陽
 則為狂邪入於陰則為血痺邪入於陽傳即為癩狂邪入於陰
 傳則為痛瘡陽入於陰病靜陰入於陽病怒
 鼈甲湯治邪氣夢寐寤時涕泣不欲聞人聲體中寒削作寒作

熱腰脊強痛腹中拘急不欲飲食或因疾病之後勞動疲極或觸犯忌諱衆諸不節婦人產生之後月經不利時下青赤白肥體不生肉虛羸瘦小便不利或頭身發熱旋復解散或一度交接彌日因極皆主之方

鼈甲七枚

甘草

白薇一作白芷

貝母

黃芩各三兩

麻黃

芍藥

白朮各一兩半

防風三兩

凝水石

桂心

茯苓

知母各四兩

石膏六兩

右十四味咬咀以水二斗煮取四升溫服一升日三夜一

九物牛黃丸治男子沾魂魅欲死所見驚怖欲走時有來止皆邪氣所為不能自絕方

牛黃土精一

荆實人精

曾青蒼龍精

玉屑白虎精

空青天精

雄黃地精

玄參女武精

龍骨水精

赤石脂朱雀精

右九味名曰九精上通九天下通九地各一兩治下篩蜜和

丸如小豆先食服一丸日三稍加以知為度千金翼云凡邪病當服五邪湯

九精

十黃散治五臟六腑血氣少亡魂失魄五臟覺不安忽忽喜悲心中善恐怖如有鬼物此皆發於大驚及當風從高墮下落水所致悉主之方

雄黃

人參各五

黃芩

大黃

黃蘗

黃耆

細辛

桂心各三

黃香

附首三百五十八

蒲黃

麻黃各分

黃環

澤瀉

山茱萸各二分

右十五味治下篩末食温酒服方寸七日不知加至二七

羸劣者更加人參五分合十分一方有生黃二分崔氏有蜀

薑四分

別離散治男女風邪男夢見女女夢見男悲愁憂恚怒喜無常

或半年數月一發動方

桂心

茵芋

天雄

菖蒲

細辛

茜根

附子

乾薑各一两

白朮

桑上寄生各三分

右十味治下篩酒服方寸七日三凡修合勿令婦人雞犬及

病者家人知見令邪氣不去禁之為驗

四物驚頭散治鬼魅方

東海驚頭即由黃牙石一名

蔓菁子

防葵各一分

右四味治下篩酒服方寸七欲令病人見鬼加防葵一分欲

令知鬼王者復增一分立有驗防葵養若並令人迷惑恍惚

如狂不可多服

五邪湯治邪氣啼泣或歌或哭方

禹餘糧

防風

桂心

芍藥

遠志

獨活

甘草

白朮

人參

石膏

牡蠣

秦艽各二兩

防已

菖蒲

茯神

雄黃

深師作黃丹

蛇蛻皮各一两

右十七味㕮咀以水二斗煮取四升分四服亦可如煮散法服之

○疾神湯治五邪氣入人體中見鬼妄語有所見聞心悸跳動恍惚不定方

茯神 人參 菖蒲 茯苓各三兩 赤小豆四十枚
右五味㕮咀以水一斗煮取二升半分三服

人參湯治風邪鬼氣往來發作有時或無時節方

人參 防風 烏頭 乾薑 桔萸根翼作梗
澤瀉 狗脊 遠志 附子 黃芩
獨活各五分 秦艽 牡蠣 五味子 山茱萸

前胡 細辛 石膏 芎藭 蜀椒

牛膝 甘草 石南 桂心 桑根白皮

麻黃 竹皮 白朮 橘皮各十銖 鬼箭千金翼作澤蘭

茯苓各十六枚

右三十二味㕮咀以水六升酒六升合煮取四升分五服日三夜二

虎睛湯治狂邪發無常披髮大呼喚欲殺人不避水火方

虎睛 露蜂房 鷓鴣頭各一具 楓上寄生五分
石長生分 茯苓 桂心 防風各三分
獨活 甘草 人參 天雄各一兩

右十二味咬咀以水一斗二升煮取三升分四服日三夜

又方防葵 人參 貫衆各五兩 防風 桂心各三兩

右五味咬咀以水一斗煮取三升分四服稍服亦可

又方苦參五斤蜜和丸如酸棗大單服十九治卒發狂方

令其患人著地仰卧以冷水終日淋其面良

治百邪鬼魅方

服頭垢小豆大佳

治魅方

以水服鹿角末方寸七日三

又方水服獺肝末日三

治狐狸諸色精魅作種種惡怪令人恐怖狂癲風邪方

雄黃六斤 油二斗

右二味破雄黃如棊子大鑊中以盆合頭作竈微火煎九日

九夜不得少時火絕亦不得火冷須火熱微微不絕神驗

治風邪方

商陸根三十斤去皮細切以水八斗東向竈煎減半去滓

更煎令可丸如梧子大服一九合時勿令人見更有良方

大豆紫湯皆可服汗出佳黃芩方出此篇前紫湯見別卷

又方燒蝦蟇末水服方寸七日三

又方燒人屎灰酒服慎生冷酢滑猪雞魚蒜等

又方以水服伏龍肝方寸七日三
治諸橫邪癩狂針灸圖訣

論曰凡諸百邪之病源起多矣其有種種形相示表癩邪之端
而見其病或有默默而不聲或復多言而謾說或歌或哭或吟
或笑或眠坐溝渠噉食糞穢或裸形露體或晝夜遊走或嘔罵
無度或是蜚蠱精靈手亂目急如斯種類癩狂之人今針灸與
方藥並主治之凡占風之家亦以風為鬼斷

扁鵲曰百邪所病者針有三穴也凡針之體先從鬼宮起次
針鬼信便至鬼壘又至鬼心未必須併針止五六穴即可知矣
若是邪蠱之精便自言說論其由來往驗有實立得精靈未必

錐除更切振磨
也唐錐出劍光

須盡其命求去與之男從左起針女從右起針若數處不愈使
徧穴針也依訣而行針灸等處並備主之仍須依掌訣檢自治
之萬不失一黃帝掌訣別是術家祕要縛鬼禁劫五嶽四瀆山
精鬼魅並悉禁之有目在人兩手中十指節間第一針人中名
鬼宮從左邊下針右邊出第二針手木指爪甲下名鬼信入肉
三分第三針足木趾爪甲下名鬼壘入肉二分第四針掌後橫
文名鬼心入半寸即大淵穴也第五針外踝下白肉際足太陽名鬼
路火針七錐錐二下命申脈穴也第六針木椎上入髮際一寸名鬼
枕火針七錐錐二下第七針耳前髮際宛宛中耳垂下五分名
鬼牀火針七錐錐二下第八針承漿名鬼市從左出右第九針

手橫文上三寸兩筋間名鬼路即勞宮第十針直鼻上入髮際一寸名鬼堂火針七鏗鏗二下即上星第十一針陰下縫灸三壯女人即玉門頭名鬼藏第十二針尺澤橫文外頭接白肉際名鬼臣火針七鏗鏗二下此即曲池穴也第十三針舌頭一寸當舌中下縫刺貫出舌上名鬼封仍以三板橫中吻安針頭念舌不得動已前若是手足皆相對針兩穴若是孤穴即單針之邪鬼妄語灸懸命十四壯穴在口唇裏中央絃絃者是也鬼祿又用剛刀決斷絃絃者乃佳邪病臥瞋瞋不自知風府主之鬼穴邪病木喚罵詈走灸十指端去爪一分鬼城

邪病大喚罵走遠三里主之鬼邪邪病鬼癩四肢重願上主之鬼門邪病四肢重痛諸雜候尺澤主之人中動脈邪病語不正及諸雜候人中主之客廳凡人中惡先押鼻下是也是也倉公法狂癩不識人癩病眩亂灸百會九壯狂走掣飛灸玉枕上三寸二法頂後一寸灸百壯狂走癩疾灸頂後二寸十二壯狂邪鬼語灸天窓九壯狂走癩疾灸大幽百壯狂言恍惚灸天樞百壯狂走癩癩灸季肋端二十壯狂癩哭泣灸手逆注三十壯穴在左右手腕後六寸狂走驚癩灸河

口五十壯穴在腕後陷中動脈是此與陽明同也狂癩風癩吐舌灸
胃腕百壯不針狂邪發無常披髮木喚欲殺人不避水火及
狂言妄語灸間使三十壯穴在腕後五寸臂上兩骨間亦灸驚恐歌哭
狂走喜怒悲泣灸巨攬亦作攬隨年壯穴在背上甲內側反手所
不及者骨芒穴上捻之痛者是也狂邪鬼語灸伏兔百壯前
天窓九壯悲泣鬼語灸天府五十壯悲泣邪語鬼忙歌哭灸慈
門五十壯狂邪驚癩病灸承命三十壯穴在內踝後上行三
寸動脈上亦灸驚驚狂走也狂癩風驚厥逆心煩灸巨陽五十壯狂
癩鬼語灸足太陽四十壯狂走驚恍惚灸足陽明三十壯
狂癩癩易疾灸足少陽隨年壯狂走癩厥如死人灸足太趾

狂音圭刻也

三毛中九壯大敦狂走易驚灸八會隨年壯穴在陽明下
五分狂癩驚走風恍惚噴喜罵笑歌哭鬼語悉灸腦戶風池
手陽明太陽太陰足陽明陽蹻少陽太陰陰蹻足跟皆隨年壯
驚怖心忪少方灸大橫五十壯狂風罵詈擗斫人名為熱
陽風灸兩吻邊燕口處赤白際各一壯又灸陰囊縫三十壯
令人立以筆正拄當下已臥核卵上灸之勿令近前中卵核恐
害陽氣也狂走刺人或欲自死罵詈不息稱神鬼語灸口吻頭
赤白際一壯又灸兩肘內屈中五壯又灸背胛中間三壯
報灸之倉公法神效鬼魅灸入髮一寸百壯又灸間使手
心各五十壯狐魅合手大指縛指灸合間三七壯當狐鳴即

瘥卒狂言鬼語以齏帶急令縛兩手大指便灸左右脇下對
屈肋頭兩處火俱起各七壯須臾鬼自道姓名云徐徐問之
乃解其手卒中邪魅恍惚振噤灸鼻下人中及兩手足大指
爪甲本灸丸半在爪上半在肉上各七壯不止十四壯炷如
雀屎大風邪灸間使隨年壯又灸承漿七壯又灸心膈
七壯又灸三里七壯卒狂鬼魘針其足大拇趾爪甲下八
少許即止

孫真人備急千金要方卷之四十四

孫真人備急千金要方卷之四十五

箴五

宋朝奉郎守太常少卿充秘閣校理林億等校正

腸腑方

風虛驚悸第六方

遠志湯補心治心氣虛驚悸喜忘不進食方

遠志

乾薑

白朮

桂心

黃耆

紫石

防風

當歸

人參

茯苓

甘草

芎藭

茯神

羌活

麥門冬

半夏

大棗

五味子

右十八味咬咀以水一斗三升煮取三升半分五服日三夜

又方治中風心氣不足驚悸言語謾誤恍惚憤憤心煩胸耳鳴

遠志 黃耆 茯苓 甘草

芍藥 當歸 桂心無一方 麥門冬

人參各二兩 獨活四兩 生薑五兩 附子一兩

右十二味咀咀以水一斗二升煮取四升每服八合入麤服

五合日三夜一

茯神湯治風經五臟大虛驚悸安神定志方

茯神 防風各三兩 人參 遠志

甘草 龍骨 桂心 獨活各二兩

白木一兩 細辛 乾薑各六兩 酸棗一升

右十二味咀咀以水九升煮取三升分三服

又方治風虛滿頸項強心氣不定不能食方

茯神四兩 麥門冬四兩 人參 羌活

遠志 當歸 甘草 紫石

五味子二兩 半夏 防風 黃耆各三兩

生薑五兩 酸棗三升 右十四味咀咀以水一斗三升煮酸棗取一斗去棗內餘藥

煎取三升半一服七合日三夜二

補心湯治心氣不足其病苦驚悸汗出心中煩悶短氣喜怒悲
憂悉不自知常苦咽喉痛口昏黑嘔吐血舌本強不通水漿方

紫石英

茯苓

人參

遠志

當歸

茯苓深師作桂

甘草

紫苑各二兩

麥門冬升一

赤小豆合三

大棗三十枚

右十一味咬咀以水一斗二升煮取三升分三服

又方治心氣不足多汗心煩喜獨語多憂不自覺咽喉痛時吐
血舌本強水漿不通方

紫石英研

茯苓

人參

桂心各二兩

麥門冬兩三

紫苑

甘草各一兩

大棗七枚

赤小豆

二枚

右九味咬咀以水八升煮取二升半分三服春夏服佳

又方治奄奄忽忽朝瘥暮劇驚悸心中憧憧胸滿不下食陰陽
氣衰脾胃不磨不欲聞人聲定志下氣方

人參

茯苓

遠志

甘草

枳實

當歸

龍齒

桔梗各二兩

半夏

桂心各五兩

黃耆四兩

生薑六兩

茯苓二兩

大棗二十枚

右十四味咬咀以水一斗二升先煮粳米五合令熟去滓次

內藥煮取四升一服八合日三夜一

又方治心氣不足心痛驚恐方

憧音充意不定也又行不能貌也易感而文憧往來也

遠志

蒲黃一方用 人參

茯苓各四

右四味咬咀以水一斗煮取三升半分三服

又方治心氣不足腹背相引痛不能俛仰方或作傷

茯神

黃芩

遠志

乾地黄各三

麥門冬

石膏各四

半夏

附子

桂心

生薑各二

甘草

阿膠

糖各一

大棗三十

右十四味十二味咬咀以水一斗煮取三升去滓內糖及膠

更煎取二升二合分三服此方與前卷心虛實補大補心湯相重分兩別

小定心湯治虛羸心氣驚弱多魘方

茯苓四

桂心三

甘草

芍藥

乾薑

遠志

人參各二 大棗十五

右八味咬咀以水八升煮取三升分四服日三夜一

大定心湯治心氣虛悸恍惚多忘或夢寤驚魘志少不足

人參

茯苓

茯神

遠志

赤石脂

龍骨

乾薑

當歸

甘草

白朮

芍藥

桂心

紫苑

防風各二 大棗三十

右十五味咬咀以水一斗二升煮取三升半分五服日三夜

二

治驚勞失志方

甘草

桂心各二 龍骨

防風

麥門冬

牡蠣 遠志各一兩 茯神五兩 大棗二十枚
右九味咬咀以水八升煮取三升分二服相去如人行九里
久再進

荆瀝湯治心虛驚悸不定羸瘦病方

荆瀝二升 茯神 白鮮皮各三兩 人參二兩
白銀十兩以水一斗煮取二升

右五味三味咬咀以荆瀝銀汁中煮取一升四分三服相
去如人行十里久進一服

又方荆瀝二升緩火煎取一升六合分溫每服四合日三夜一
鎮心湯治風虛勞冷心氣不足喜忘恐怖神志不定方

防風 當歸 大黃 麥門冬各五分此味又亦云五兩

澤瀉 大豆卷 白欬各四分此味一云三兩 菖蒲

人參 桔梗 桂心 遠志 薯蕷

石膏各二分 紫苑 乾薑 茯苓各一兩一云各三兩

白朮 甘草各十分 粳米合五 大棗五兩 附子

茯神各二兩 秦艽六分

右二十四味咬咀以水一斗二升先煮粳米令熟去滓內藥
煮取四升分服八合日三夜一千金翼不用粳米蜜丸梧子
大酒服十九加至二十九
大鎮心散治心虛驚悸夢寤恐畏方

紫石英 茯苓 防風 人參 甘草

澤瀉各八分 黃耆 秦艽 白朮 薯蕷

白欵各六分 麥門冬 當歸各五分 桔梗 大豆卷

栝子仁 桂心 遠志 大黃 石膏各四分

蜀椒 芍藥 乾薑 細辛各三分

右二十四味治下篩酒服二方寸七日三一方無紫石英茯苓

澤瀉乾薑有大棗四分蜜丸如梧子酒下十五丸

又方治風虚心氣驚弱恍惚失常忽嗔恚悲志意不樂方

紫石英 白石英 朱砂 龍齒 乾地黄一本無

人參 細辛 天雄 附子 遠志

乾薑 茯苓 白朮 桂心 防風各三分

右十五味治下篩酒服兩方寸七日三

小鎮心散治心氣不足虛悸恐畏悲思恍惚心神不定惕惕然

驚者方

人參 遠志 白朮 附子 乾地黄

桂心 黃耆 細辛 乾薑 赤小豆

龍齒 防風 菖蒲各二兩 茯苓四兩

右十四味治下篩酒服二寸七日三

鎮心丸治男子婦人虛損夢寤驚悸或失精神婦人赤白注瀉

或月水不利風邪鬼疰寒熱往來腹中積聚憂患結氣諸病方

紫石英 茯苓 菖蒲 茯苓 麥門冬

遠志 天 大黃 當歸 細辛 大豆卷

卷柏 乾薑各五分 防風 人參 澤瀉各三分

秦艽 丹參各六分 石膏 芍藥 栝子仁各三分

烏頭 桂心 桔梗 甘草 薯蕷各十分

白欬 鐵精 銀屑 前胡 牛黃各二分

白朮 半夏各四分 蠶蟲十二枚 大棗五十枚 乾地黄十二分

右三十五味為末蜜棗和搗五千杵丸如梧子大酒服五丸

日三加至二十九一本無大豆卷大棗

大鎮心丸所治與前方大同凡是心病悉皆主之方

乾地黄八分 牛黃五分 桂心 卷活

秦艽 芎藭 人參 遠志 麥門冬

丹砂 阿膠 甘草 大黃 紫石英

銀屑 白欬 當歸 乾薑 防風各八分

杏仁 蜀椒各三分 澤瀉 黃耆 大豆卷

茯苓 薯蕷 茯神 前胡 栝子仁

鐵精各五分 大棗四十枚 桑螵蛸十一枚

右三十二味為末白蜜棗和丸酒服七丸日三加至二十九

小鎮心丸治心氣少弱驚虛振悸胃中逆氣魘夢錯謬忘恍

惚方 紫石英 朱砂 茯神 銀屑 雄黃

忽々恍惚不
爽也

菖蒲

人參

桔梗

乾薑

遠志

甘草

當歸

桂心各二分

防風

細辛

鐵精

防已各一兩

右十七味為末蜜丸如大豆狀飲服十九日三加至二十九日
一方用茯苓二分為十八味

定志小圓治心氣不定五臟不足甚者憂愁悲傷不樂忽忽喜
忘朝善暮劇暮差朝發狂眩者方

菖蒲

遠志各二兩

茯苓

人參各三兩

右四味為末蜜丸如梧子大飲服七九日三加茯苓神為茯苓
丸散服之亦佳

紫石英治久風虛冷心氣不足或時候怖方

紫石英一斤鍾乳

防風

遠志

桂心各四兩

麻黃

茯苓

白木

甘草各三兩

右九味以酒三斗春月漬五日每服四合日三亦可至
醉常食有酒氣

好忘第七

枕中方

龜甲

龍骨

遠志

菖蒲

右四味等分治下節酒服方寸七日三常服令人大聰
食後水服

治多忘念人不忘方

菖蒲分二 茯苓 茯神 人參各五分 遠志分七

右五味治下篩酒服方寸七日二夜一五日後知神良

又方

茯苓 續斷各二分 遠志 菖蒲 茯苓各三分

右五味治下篩酒服方寸七日三至老不忘

開心散治好忘方

遠志 人參各一分 菖蒲一分 茯苓二分

右四味治下篩飲服方寸七日三

菖蒲益智丸治喜忘恍惚破積聚止痛安神定志聰明耳目方

菖蒲 遠志 人參 桔梗 牛膝各五分

附子五分 茯苓七分 桂心三分

右八味為末蜜丸如梧子一服七丸加至二十九日二夜

禁如藥法

養命開心益智方

乾地黄 人參 茯苓各二分 菘蓉 菟絲子

遠志各三分 蛇牀子二分

右七味治下篩服方寸七日二忌兔肉餘無忌

八味散方

天門冬分六 桂心 茯苓各一分 乾地黄分四 五味子

葛蒲

遠志

石韋各三分

右八味治下篩後食或酒或水服方寸七三十日力倍六十日氣力強志意足

治健忘方

天門冬

遠志

茯苓

乾地黄

右四味各等分為末蜜丸如梧子大酒服二十九日三加至三十九常服勿絕

治好忘久服聰明益智方

龍骨

虎骨

遠志各等分

右三味治下篩食後服方寸七日二

又方七月七日取葛蒲酒服三方寸七飲不至醉

又方常以甲子日取石上葛蒲一寸九節者陰乾百日治合

篩服方寸七日三耳自聰明不忘出衢州石橋寺南山

又方七月七日麻勃一升人參一兩為末蒸令氣徧臨夜卧服

一刀圭盡知四方之事

又方戊子日取東邊桃枝二七枚縛著卧牀中枕之不忘

又方常以五月五日取東向桃枝日未出時作三寸木人著衣

帶中令人不忘

又方丁酉日自往市買遠志裹著衣中角頭還未服之不復忘

治人心昏塞多忘喜誤方

卷四十一
二百二十四
七月七日取蜘蛛網著衣領中勿令人知不忘

孫真人備急千金要方卷之四十五 丙辰冬十二月大戶孟通

